

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 167. sjednici, održanoj dana 03.06.2014. godine, donosi

ZAKLJUČAK

I.

Prihvata se Mišljenje Ministarstva za pravosuđe i upravu po Inicijativi Komisije za pravosuđe i upravu Skupštine Zeničko-dobojskog kantona za izmjenu člana 11. Zakona o sudskim taksama (“Službene novine Zeničko-dobojskog kantona”, broj 12/09, 4/11, 7/11, 2/11 9/13).

II.

Zaključak sa Mišljenjem Ministarstva za pravosuđe i upravu broj: 06/03-06-7435-2/14, od 23.5.2014 godine upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/14.
Datum, 03.06.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Predsjedavajućem Skupštine Zeničko-dobojskog kantona,
1x Skupština Zeničko-dobojskog kantona,
1x Ministarstvo za pravosuđe i upravu,
1x a/a.



ZENIČKO-DOBOJSKI KANTON
VLADA
STRUČNA SLUŽBA

Zenica, 23.5.2014.godine
Broj: 06/03-06-7435-2/14

PREDMET: Mišljenje, dostavlja se

Vlada Zeničko-dobojskog kantona uputila je ovom Ministarstvu Inicijativu Komisije za pravosuđe i upravu Skupštine Zeničko-dobojskog kantona za izmjenu člana 11. Zakona o sudskim taksama („Službene novine Zeničko-dobojskog kantona“, broj 12/09, 4/11, 7/11, 2/11 9/13) radi davanja mišljenja Vladi povodom navedene inicijative. U tom smislu Ministarstvo za pravosuđe i upravu daje slijedeće:

M i š l j e n j e

Odredbom člana 11. Zakona o sudskim taksama, utvrđeni su subjekti koji su oslobođeni plaćanja sudske takse. Javne ustanove osnovnog i srednjeg obrazovanja sa područja Zeničko-dobojskog kantona nisu oslobođene obaveze plaćanja sudske takse.

Imajući u vidu da u mnogobrojnim sudskim postupcima, koji se vode protiv osnovnih i srednjih škola, kada općinski sudovi usvoje tužbeni zahtjev, obavezuju tuženu školu i na obavezu plaćanja sudske takse propisane Zakonom o sudskim taksama. Škole ovu obavezu ne ispunjavaju dobrovoljno, te se pokreće postupak prinudne naplate sudske takse. Kako je u ovim izvršnim postupcima tražilac izvršenja Kanton, a izvršenik škola koja se u cijelosti finansira iz Budžeta kantona, imamo situaciju da su u formalnom smislu strane u postupku različiti subjekti, a u suštini kanton, kao tražitelj izvršenja traži da škola, kao izvršenik plati (koja nema svoj račun) sudsku taksu sa jednog računa Kantona na drugi račun Kantona.

Iz navedenih razloga bilo bi svrsishodno i u interesu Kantona da se, kako bi se izbjegli nepotrebni troškovi vođenja izvršnih postupaka radi prinudne naplate sudske takse protiv osnovnih i srednjih škola, prihvatiti Inicijativa Komisije za pravosuđe i upravu Skupštine Zeničko-dobojskog kantona za izmjenu člana 11. Zakona o sudskim taksama („Službene novine Zeničko-dobojskog kantona“, broj 12/09, 4/11, 7/11, 2/11 9/13), tako što će se izvršiti dopuna člana 11. Zakona kojom će se osnovne i srednje škole na području Kantona osloboditi od plaćanja sudske takse u svim sudskim postupcima.

Ministarstvo je prije davanja Mišljenja o istom pribavilo mišljenja Ministarstva finansija i Kantonalnog pravobranilaštva, koja su u prilogu.

Prilog:

1x Akt broj 07/02-06-7435-1/14, od 08.05.2014. godine

1x Akt broj M-29/14, od 20.5.2014. godine

S poštovanjem,

MINISTRICA

Romana Brkić, dipl. pravnica

Dostavljeno:

1 x Naslovu,

1 x a/a